


All in for Kids

Lub Khoos Kas CLTS Tsev Neeg Tsab Ntawv Xov Xwm

All in for Kids (Tag Nrho Rau Me Nyuam):
Lub Khoos Kas CLTS yog ib tsab ntawv
xov xwm uas pab kom koj thiab koj tsev
neeg paub txog cov kev txhawb nqa thiab
cov kev pab cuam muaj los ntawm Lub
Khoos Kas CLTS. Tsab ntawv xov xwm
yog sau tawm los ntawm Wisconsin
Department of Health Services (Lub
Tuam Tsev Hauj Lwm ntsig txog Cov Kev
Pab Cuam Kev Noj Qab Haus Huv) (DHS).



Nws Nyob Ntawm No! Phau Ntawv Qhia rau Cov Neeg Tuaj Koom Lub Khoos Kas CLTS thiab Tsev Neeg Phau Tshiab!

(It's Here! The New CLTS Program Participant and Family Handbook)

Peb muaj cov xov xwm uas zoo heev—muaj Phau Ntawv Tshiab Qhia Txog
Cov Neeg Koom Nrog Lub Khoos Kas Children's Long-Term Support (Kev
Txhawb Nqa Ncua Sij Hawm Ntev Rau Cov Me Myuam Yaus) (CLTS) thiab
Tsev Neeg!

Phau ntawv qhia no yog tsim los rau koj tus me nyuam thiab tsev neeg.
Muab cov ntaub ntawv uas muaj txiaj ntsig hais txog Lub Khoos Kas CLTS
cia hauv tib phau ntawv qhia uas siv tau yooj yim xwb. Tsis hais tias koj
nyuam qhuav nkag tshiab los sis twb tau txais kev pab cuam los tau ib
ntus lawm los xij, phau ntawv qhia no yuav pab koj hauv kev xaiv cov kev
txhawb nqa thiab cov kev pab cuam muaj uas yuav los pab koj tus me
nyuam kom muaj kev loj hlob vam meej mus ib qib.

H

Cov ntaub ntawv muab sau rau hauv tsab
ntawv xov xwm no yog tshaj tawm raws li
Social Security Act (Txoj Cai Tswj Kev Ruaj
Ntseg) § 1915(c) thiab 42 C.F.R. § 440.180.

Ntau yam tseem ceeb muaj nyob sab hauv

- Cov ntsiab lus qhia ntxaws hais txog kev txhawb nqa thiab kev pab cuam uas muaj los pab koj tus me nyuam kom ua tau raws li lawv lub hom phiaj.
- Cov ntaub ntawv qhia txog seb leej twg thiaj li tuaj yeem yog ib feem ntawm koj pab pawg hauv Lub Khoos Kas CLTS thiab lawv yuav pab tau koj tsev neeg li cas.
- Kev taw qhia txog kev hloov pauv lub neej thiab yuav pab koj tus me nyuam li cas los npaj kev txhij rau tej yam yuav tau ntsib nrog tom ntej.

Phau ntawv qhia uas haum rau txhua leej hauv tsev neeg no yuav teb cov lus nug seem dav thiab pab koj kom muaj kev ntseeg siab hauv kev siv Lub Khoos Kas CLTS los txhawb koj tus me nyuam txoj kev loj hlob thiab kev txhim kho.

Koj yuav tau txais phau ntawv qhia no li cas?

Peb tab tom ua kom koj tsev neeg tuaj yeem nkag siv tau cov ntaub ntawv no yam yooj yim.

- Muaj cov ntawv luam theej tawm los—saib koj lub chaw txais ntaub ntawv.
- Tseem muaj hom ntawv oos lais nyob rau ntawm dhs.wi.gov/library/collection/p-03689 txhawm rau kom koj tuaj yeem nkag cuag tau txhua lub sij hawm, txhua qhov chaw.

Peb zoo siab heev uas yuav los qhia txog phau ntawv tshiab no rau koj, thiab peb tos tsis taus los lawm xav kom koj tau siv phau ntawv no. Qhov no tsuas yog ib txoj hauv kev uas peb tab tom ua hauj lwm txhawm rau kom ntseeg tau tias koj tsev neeg muaj cov ntaub ntawv thiab kev txhawb nqa uas lawv xav tau los pab kom cov me nyuam yaus muaj lub neej zoo tshaj plaws nrog Lub Khoos Kas CLTS.

Thov taug qab xyuas txuas mus ntxiv—koj phau ntawv qhia tab tom yuav los txog sai-sai no! ❖

Kev tshawb nrhiav yam pem suab: Kev tshawb pom thiab kev npaj ua hauj lwm nrog Lub Khoos Kas CLTS

Txhua tus me nyuam yaus muaj cov txuj ci tshwj xeeb, kev nyiam, thiab kev npau suav rau lub neej yav pem suab. Lub Khoos Kas CLTS nyob ntawm no los pab lawv tshawb nrhiav qhov muaj peev xwm yuav ua tau nrog kev tshawb pom thiab kev npaj ua hauj lwm—kev pab cuam uas los pab cov me nyuam yaus thiab cov hluas tsim kom muaj kev txawj txog kev ua hauj lwm thiab npaj kom txhij rau kev ua hauj lwm yav pem suab.

Kev tshawb pom thiab kev npaj ua hauj lwm yog dab tsi?

Qhov kev pab cuam no yog tsim los pab cov me nyuam yaus thiab cov tub ntxhais hluas kawm paub txog txhua yam hauj lwm sib txawv, tsim kom muaj kev txawj ua hauj lwm, thiab tsim kom muaj kev ntseeg tus kheej siab ua ntej yuav mus ua hauj lwm tom tej chaw hauj lwm. Dhau ntawm kev tshawb pom thiab kev npaj ua hauj lwm, koj tus me nyuam tuaj yeem:

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

- Tshawb nrhiav ntau txoj hauj lwm sib txawv thiab nrhiav tej hauj lwm uas lawv nyiam.
- Tsim kom muaj kev txawj ntse hauv kev ua hauj lwm xws li kev sib txuas lus thiab kev ua hauj lwm ua pab pawg.
- Xyaum cov kev paub txog kev xam phaj txhawm rau kom npaj txhij los mus thov hauj lwm ua.
- Mus xyaum ua hauj lwm txhawm rau kom pom cov chaw ua hauj lwm ua ntej.
- Kawm paub txog kev txhawb nqa uas lawv yuav tau txais thaum lawv npaj txhij thov rau txoj hauj lwm.

Qhov kev pab cuam no puas haum rau koj tus me nyuam?

Tej zaum koj tus me nyuam yuav tau txais txiaj ntsig los ntawm kev tshawb pom thiab kev npaj ua hauj lwm yog tias lawv:

- Xav paub ntau ntxiv txog txoj hauj lwm thiab kev ua hauj lwm.
- Muaj lub hom phiaj cuam tshuam txog kev npaj txhij ua hauj lwm los sis lub hwm tsam tshawb nrhiav cov hauj lwm yav pem suab.
- Mus xyaum ua hauj lwm txhawm rau kom pom cov chaw ua hauj lwm seb zoo li cas.

Qhov kev pab cuam no yog thawj kauj ruam zoo tshaj plaws rau cov me nyuam yaus uas xav paub txog kev ua hauj lwm tab sis tseem tsis tau npaj txhij los ua hauj lwm. Nws pab tsim kom muaj kev ntseeg siab yog yam xub thawj thiab kev txawj ntse kom thaum lub sij hawm los txog los lawv thiaj li npaj txhij rau kauj ruam tom ntej mus ua hauj lwm.

Koj tus me nyuam yuav los pib li cas?

Koj tsev neeg support and service coordinator (tus lis hauj lwm saib xyuas txog kev txhawb nqa thiab kev pab cuam) (SSC) yuav ua hauj lwm nrog koj los txiav txim seb qhov kev tshawb pom thiab kev npaj ua hauj lwm puas haum rau koj tus me nyuam lub hom phiaj. Nws yog ib qho ntawm cov kev txhawb nqa thiab kev pab cuam ntau tshaj 30 yam uas Lub Khoos Kas CLTS tau muaj los pab rau cov me nyuam yaus thiab cov tsev neeg mus kom txog lawv lub hom phiaj. Cov kev pab cuam no yog duav roos ntau tshaj ntawm Medicaid los sis kev tuav pov hwm kev noj qab haus huv ntiag tug txhawm rau los muab kev txhawb nqa tshwj xeeb raws li koj tus me nyuam individual service plan (txoj phiaj xwm pab cuam rau ib tug neeg zuj zus) (ISP). ❖

Kev xaiv tus kws muab kev pab cuam kom phim: Daim Ntawv Teev Npe Kws Muab Kev Pab Cuam CLTS thiab koj qhov SSC tuaj yeem pab tau li cas

Koj yuav nrhiav tau tus kws muab kev pab cuam uas phim rau koj tus me nyuam li cas? No yog qhov tau los ntawm koj Daim Ntawv Teev Npe Kws Muab Kev Pab Cuam CLTS thiab SSC!

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Cov kws muab kev pab cuam ntawm CLTS muab cov kev txhawb nqa thiab cov kev pab cuam uas tseem ceeb. Txhawm rau kom paub tseeb tias koj tus me nyuam tau txais kev saib xyuas zoo tshaj plaws, cov kws kho mob yuav tsum muaj kev tshaj lij thiab tau rau npe nrog DHS ua ntej mas lawv thiab li yuav tuaj yeem teev npe nyob rau hauv Daim Ntawv Teev Npe Kws Muab Kev Pab Cuam CLTS.

Tus kws muab kev pab cuam ntawm Lub Khoos Kas CLTS yog dab tsi?

Tus kws muab kev pab cuam yog ib tus neeg los sis lub koom haum uas muab kev txhawb nqa thiab kev pab cuam los pab koj tus me nyuam kom ncav cuag lawv lub hom phiaj, tsim kev txawj ntse, thiab koom nrog lawv lub zej zog.

Tus kws muab kev pab cuam yuav tsum muaj kev txawj ntse, tau txais kev cob qhia, thiab muaj kev tshaj lij thiab li yuav tsim nyog los muab kev pab cuam. Nws yog ib qho tseem ceeb uas cov kws muab kev pab cuam yuav tsum tau ua raws li cov qauv kev pab cuam uas yuav pab tau koj tus me nyuam kom zoo tshaj plaws. Muaj cov ntaub ntawv ntau ntxiv hais txog qhov kev tsim nyog ntawm kws muab kev pab cuam nyob rau ntawm Medicaid Phau Ntawv Home and Community-Based Waiver (Kev Zam Raws Tsev thiab Zej Zog) rau Lub Khoos Kas CLTS (dhs.wi.gov/publications/p02256.pdf).

Muaj plaub hom kws muab kev pab cuam hauv Lub Khoos Kas CLTS. Peb cov kws muab kev pab cuam yuav tsum ua kom tau raws li cov kev tsim nyog thiab tso npe nrog DHS ntawm Lub Khoos Kas CLTS:

- 1. Cov kws muab kev pab cuam hauv Lub Khoos Kas CLTS uas tau tso npe rau hauv DHS**
 - **Lub Koom Haum Sawv Cev:** Cov lag luam no tau ntiav cov neeg ua hauj lwm los muab kev pab cuam, tau tso npe nrog DHS, thiab ua tau raws li txhua qhov kev tsim nyog ntawm Lub Khoos Kas CLTS.
 - **Yog Tus Tswv Tib Leeg Nkaus Xwb:** Cov tswv lag luam thiab muab cov kev pab cuam uas tau tso npe nrog DHS thiab ua tau raws li txhua qhov kev tsim nyog ntawm Lub Khoos Kas CLTS.
 - **Lub Koom Haum Sawv Cev Pab Tswj Hwm Nyiaj Txiag:** Cov lag luam no ua sawv cev tam cov neeg koom nrog, uas cuam tshuam nrog kev ntiav cov neeg hauj lwm uas tau txais kev txhawb nqa ncaj qha los ntawm individual service plan (txoj phiaj xwm pab cuam rau ib tug neeg zuj zus) (ISP) uas tau txais kev pom zoo.
- 2. Cov kws muab kev pab cuam Ib Tug Neeg Zuj Zus Uas Tsev Neeg Xaiv**
 - Tej zaum qhov no yuav yog ib tus neeg koom zej zog los sis cov phooj ywg hauv tsev neeg uas koj xaiv ntiav los ua hauj lwm ncaj qha nrog kev pab ntawm lub koom haum sawv cev tswj nyiaj txiag los muab kev txhawb nqa thiab kev pab cuam.
 - Cov kws muab kev pab cuam no yuav tsum ua kom tau raws li qhov tsim nyog ntawm Lub Khoos Kas CLTS.

DAIM NTAWV TEEV NPE KWS MUAB KEV PAB CUAM CLTS

cltsproviderdirectory.wi.gov/s/

DHS yuav npaj ua Daim Ntawv Teev Npe Kws Muab Kev Pab Cuam kom yog rau tam sim no rau koj txhawm rau los txheeb xyuas cov koom haum tsim nyog hauv xeev, cov koom haum sawv cev Pab Cuam Tswj Nyiaj Txiag, thiab ib tus tswv lag luam uas txaus siab thiab tsim nyog los muab kev pab cuam rau Lub Khoos Kas CLTS uas tau qhia nyob rau hauv lawv qhov ntaub ntawv qhia txog tus kheej.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

- Yog tias tus neeg ntawd yog tus neeg saib xyuas, tus neeg ntawd yuav tsum dhau qhov kev kuaj xyuas keeb kwm yav dhau los txhawm rau los muab kev txhaw nqa thiab kev pab cuam raws li Lub Khoos Kas CLTS.
- Cov kws muab kev pab cuam no tsis tau teev nyob rau hauv daim ntawv teev npe kws muab kev pab cuam CLTS.

Txhua tus neeg uas muab kev pab cuam Lub Khoos Kas CLTS yuav tsum muaj kev cob qhia zoo, kev ntsib dhau los, thiab kev txawj ntse los muab kev txhawb nqa thiab kev pab cuam ntawm Lub Khoos Kas CLTS.

Cov tib neeg uas muab kev pab cuam ntsig txog tus neeg saib xyuas yuav tsum dhau qhov kev kuaj xyuas keeb kwm yav dhau los. Kev kuaj xyuas keeb kwm yav dhau los yog ib kauj ruam ntxiv kev nyab xeeb los tiv thaiv cov neeg koom nrog uas muaj kev sib tiv tauj ncaj qha nrog tus neeg koom tas li. Nov yog kev pab kom nkag siab tias leej twg yog tus ua qhov kev kuaj xyuas keeb kwm yav dhau los ntawm tus neeg saib xyuas:

- **Cov koom haum sawv cev** yuav kuaj xyuas keeb kwm yav dhau los ib tug zuj zus rau cov neeg ua hauj lwm uas tau ntiav los ua hauj lwm ntawm lub koom haum ntawd uas muab kev pab cuam ntsig txog tus neeg saib xyuas.
- DHS ua kom tiav kev kuaj xyuas keeb kwm ntawm tus neeg saib xyuas rau kev **Yog Tus Tswv Tib Leeg Nkaus Xwb** uas muab kev pab cuam ntsig txog tus neeg saib xyuas.

Cov Koom Haum Sawv Cev Pab Tswj Hwm Nyiaj Txiag yuav kuaj xyuas keeb kwm yav dhau los ntawm tus neeg saib xyuas rau **Cov kws muab kev pab cuam Ib Tug Neeg Zuj Zus Uas Tsev Neeg Xaiv** uas muab kev pab cuam ntsig txog tus neeg saib xyuas.

Koj qhov SSC yuav pab koj xaiv tus kws muab kev pab cuam tau li cas

Kev xaiv ib tug kws muab kev pab cuam uas tsim nyog yog ib qho teeb meem nyuaj tshaj thiab, tab sis nws tsis yog koj ib leeg xwb! Koj support and service coordinator (tus lis hauj lwm saib xyuas txog kev txhawb nqa thiab kev pab cuam) (SSC) nyob ntawm no los pab.

Koj qhov SSC yuav:

- Pab koj los qhia txog koj tus me nyuam qhov kev xav tau thiab lub hom phiaj hauv individual service plan (txoj phiaj xwm pab cuam rau ib tug neeg zuj zus) (ISP).
- Ua hauj lwm nrog koj txhawm rau tshawb nrhiav cov kws muab kev pab cuam ntawm Lub Khoos Kas CLTS uas haum nrog cov kev txhawb nqa thiab cov kev pab cuam uas koj tus me nyuam xav tau.
- Qhia koj txog cov kev lis ntawm kev xaiv tus kws muab kev pab cuam los ntawm daim ntawv teev npe kws muab kev pab cuam CLTS.
- Pab tus kws muab kev pab cuam uas muaj kev tsim nyog los muab kev txhawb nqa thiab kev pab cuam raws li Lub Khoos Kas CLTS los ntawm kev txuas tus kws muab kev pab cuam nrog lub koom haum sawv cev pab tswj nyiaj txiag.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

- Tso cai rau cov kev pab cuam ua ntej cov kws muab kev pab cuam yuav los pib ua hauj lwm nrog koj tus me nyuam.
- Soj xyuas thiab ntsuas cov kev pab cuam ntawm tus kws muab kev pab cuam kom ntseeg tau tias lawv ua tau raws li koj tus me nyuam qhov kev xav tau.

Kev xaiv qhov zoo tshaj plaws rau koj tus me nyuam

Nrog rau Daim Ntawv Teev Npe Kws Muab Kev Pab Cuam CLTS thiab koj qhov SSC, koj muaj cov cuab yeej thiab kev taw qhia txhawm rau los nrhiav tus kws muab kev pab cuam uas tsim nyog rau koj tus me nyuam. Koj qhov SSC tuaj yeem ua hauj lwm nrog koj txhawm rau los pab nrhiav cov kws muab kev pab cuam. Koj qhov SSC tuaj yeem pab faib qhia cov ntaub ntawv hais txog kws muab kev pab cuam, pab piav qhia koj tus me nyuam lub hom phiav tshwj xeeb, thiab kom paub tseeb tias phim nrog tus kws muab kev pab cuam lawm.

Yog tias koj muaj kev txhawj xeeb txog tus kws muab kev pab cuam, koj qhov SSC nyob ntawm no npaj txhij los pab. Lawv tuaj yeem daws cov teeb meem tau, soj xyuas cov kev pab cuam uas muaj txiaj ntsig, thiab ua kev hloov pauv yog tias xav tau.

Puas tau npaj txhij los pib? Tham nrog koj qhov SSC hnuv no txhawm rau los tshawb nrhiav cov kws muab kev pab cuam thiab ua cov kauj ruam tom ntej hauv koj tus me nyuam txoj kev taug nrog Lub Khoos Kas CLTS! ❖

Tsev neeg qhov zoo: Thomas tsev neeg txoj kev taug nrog Lub Khoos Kas CLTS

Ntsib nrog Thomas tsev neeg los ntawm Cheeb Tsam Nroog Sauk thiab lawv tus ntxhais Kate, uas tab tom loj hlob nrog kev txhawb nqa ntawm Lub Khoos Kas CLTS. Kev mob siab los pab kom Kate ua nws lub neej yam zoo tshaj plaws, Thomas tsev neeg tau txais cov cib fim uas txhawb nqa nws txoj kev loj hlob, kev ywj pheej, thiab kev lom zem.

Nrog kev pab los ntawm Lub Khoos Kas CLTS, Kate thiab li lom zem nrog cov dej num uas nws nyiam heev. Nws mus pw hav zoov, kawm ua luam dej, thiab caij tsheb hauv zej zog nrog nws lub tsheb kauj vab hluav taws xob, ua kom nws nquag thiab muaj kev koom tes. Thaum lub caij ntuj sov, kev so ua si kuj pab los muab kev txhawb nqa ntxiv, cia Kate tuaj yeem tiv tauj rau nws tsev neeg thiab zej zog tau.

Nws qhov SSC muaj lub luag hauj lwm tseem ceeb hauv kev ua kom ntseeg tau tias tsev neeg tau txais cov ntaub ntawv uas muaj txiaj ntsig thiab cov cib fim tshiab-tshiab uas haum rau Kate cov kev xav tau thiab qhov kev peev xwm uas hloov mus zuj zus.

Tsev neeg tau hais qhia tias “Lub Khoos Kas CLTS yog ib qho kev ntsib dhau los uas muaj txiaj ntsig zoo. Peb zoo siab thiab ua tsaug rau Lub Khoos Kas CLTS uas tseem los pab Kate kom muaj kev loj hlob, tshawb nrhiav, thiab muaj kev vam meej.” ❖



Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Lub Khoos Kas CLTS xav tau koj tsev neeg cov dab neeg thiab cov duab!

All in for Kids (Tag Nrho Rau Me Nyuam) tsab ntawv xov xwm yog rau tsev neeg. Peb xav nthuav qhia txog koj cov duab thiab cov kev ntsib nrog dhau los rau lwm tus neeg tau nyeem kom muaj kev lom zem nrog! Koj tuaj yeem faib lwm yam xws li:

- Muaj kev cuam tshuam zoo nrog Lub Khoos Kas CLTS.
- Ib qho piv txwv ntawm Lub Khoos Kas CLTS tau pab koj tsev neeg los sis tus me nyuam li cas.
- Ib daim duab los sis ib zaj dab neeg txog ib qho kev uas koj tau ua nrog koj tus me nyuam.
- Ib daim duab ntawm ib yam zoo nkauj los sis lwm yam uas koj tus me nyuam tau ua.

Xa koj zaj dab neeg ntawm koj lub tsev neeg los sis daim duab hauv email mus rau dhsclts@wisconsin.gov nrog "All in For Kids (Tag Nrho Rau Me Nyuam)" rau ntawm kab teev lus qhia. Koj kuj tseem tuaj yeem xa cov tswv yim rau cov zaj dab neeg uas koj xav nyeem hauv tsab ntawv xov xwm. Peb npaj siab xav hnov ntawm koj! ❖

Koj tuaj yeem rov hais dua cov kev txiav txim siab ntawm Lub Khoos Kas CLTS

Kev muaj qhov tswv yim sib txawv yog muaj nyob rau qee lub sij hawm xam tias yog ib qhov sib txwv. Yog tias koj tsis pom zoo nrog qhov kev txiav txim siab txog koj tus me nyuam txoj kev txhawb nqa los sis kev pab cuam hauv Lub Khoos Kas CLTS, lawv qhov kev tsim nyog, los sis tus kws muab kev pab cuam kho mob uas xaiv, koj muaj cai thov rov txiav txim dua. Qhov no txhais tau hais tias koj tuaj yeem thov kev txiav txim siab los ntawm tus kws txiav txim plaub ntug.

Txhawm rau los pib qhov kev lis rov hais dua, koj tuaj yeem:

1. **Xa daim foos ntawv thov los sis sau ib tsab ntawv:** Koj tuaj yeem sau daim foos ntawv thov kev hais plaub los sis sau tsab ntawv piav qhia tias yog vim li cas koj thiaj li tsis pom zoo rau qhov kev txiav txim siab.
2. **Xa koj qhov kev thov rau Division of Hearings and Appeals (Feem Hauj Lwm Saib Xyuas Kev Hais Plaub thiab Kev Rov Txiaiv Txim Dua):** Xa koj daim foos los sis tsab ntawv mus rau qhov chaw nyob no: Division of Hearings and Appeals P.O. Box 7875 Madison, WI 53707-7875.

Yog xav paub ntau ntxiv los sis tshawb nrhiav daim foos, mus saib: doa.wi.gov/RequestAHearing

Nws yog ib qho tseem ceeb kom paub tias kev thov kom rov hais dua tsis yog ib qho tsis zoo. Nws tsuas yog ib txoj hauv kev los ua hauj lwm los ua qhov sib txawv thiab xyuas kom paub tseeb tias koj tus me nyuam cov kev xav tau raug txiav txim siab raug txhij txhua lawm. Txoj kev thov rov txiav txim dua nyob ntawm no los txhawb koj yog tias koj xav tias qhov kev txiav txim siab txog koj tus me nyuam txoj kev txhawb nqa thiab kev pab cuam tsis raug rau koj qhov xwm txheej. ❖



Wisconsin Wayfinder

Children's Resource Network

Wisconsin Wayfinder pab txuas koj nrog cov kev pab

Feem ntau cov tsev neeg muaj cov lus nug ntau tom qab paub tias lawv tus me nyuam muaj ib los sis ntau qhov kev ncu, kev xiam oob qhab, kev xav tau kev kho mob tshwj xeeb, los sis kev mob puas siab puas ntsws. Wisconsin muaj tsib Children's Resource Centers (Cov Chaw Pab Cuam Me Nyuam Yaus) hauv cheeb tsam uas mob siab los muab kev txhawb nqa rau cov tsev neeg no. Cov chaw pab tag nrho cov tsev neeg thiab cov neeg muab kev pab:

- Txuas nrog cov chaw muab kev pab cuam hauv zej zog.
- Kawm hais txog thiab nrhiav cov kev txhawb nqa thiab cov kev pab cuam.
- Tau txais cov lus teb rau cov lus nug.

Koj tuaj yeem hu rau tus xov tooj hu dawb ntawm 877-WiscWay (877-947-2929) txhawm rau los tham nrog tus neeg tiag uas yuav txuas koj nrog koj cov me nyuam cov ntaub ntawv pab cuam.

Koj tuaj yeem nkag mus hauv oos lais ntawm dhs.wi.gov/wiscway kom paub ntau ntxiv.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Cov kev pab muaj txiaj ntsig zoo rau cov tsev neeg

- Office of Children's Mental Health (Lub Chaw Hauj Lwm Saib Xyuas Me Nyuam Kev Puas Siab Puas Ntsws) (OCMH)
 - Daim Ntawv Tseeb Qhia Txog Kev Txhawb Nqa Cov Me Nyuam Muaj Kev Xiam Oob Qhab:
children.wi.gov/Documents/ResearchData/OCMH%20Fact%20Sheet_July%202024_Supporting%20Kids%20with%20Disabilities.pdf
 - Daim Ntawv Tseeb Qhia Txog Kev Pab Txhawb Cov Me Nyuam Yaus Hauv Tsev Kawm Ntawv Qib Siab Li Kev Puas Siab Puas Ntsws children.wi.gov/Documents/ResearchData/OCMH%20Fact%20Sheet_02-25.pdf
- Wisconsin Tus Thawj Kav Xeev Tony Evers Tau Tshaj Tawm Tias Xyoo 2025 Yog Xyoo Ntawm Cov Me Nyuam
Tus Thawj Kav Xeev Daim Ntawv Tshaj Tawm Txog Nyiaj Txiaj 2025-27 tau tsim los ntawm kev tswj hwm kev cog lus los ua qhov zoo tshaj plaws rau cov me nyuam yaus, txhawb nqa cov tub ntxhais hluas kev puas siab puas ntsws, ua kom ntseeg tau tias muaj dej nyab xeeb hauv tsev kawm ntawv thiab cov zej zog, thiab lwm qhov. Saib daim ntawv tshaj tawm ntawm no:
content.govdelivery.com/accounts/WIGOV/bulletins/3ce3a56
- Kev npaj rau Lub Neej ua ib tug Neeg Laus: Txoj Phiaj Xwm Hloov Pauv Rau Cov Tub Ntxhais Hluas
Cov tub ntxhais hluas uas nyob rau ncuia hloov pauv (tseem hu ua kev tawm phiaj xwm hloov pauv) yog ib txoj hauv kev uas cov hluas uas xav tau rau kev saib xyuas kev noj qab haus huv los sis kev xiam oob qhab. Nws pab koj npaj rau koj lub neej yav pem suab thiab hloov pauv ntawm kev nrhiav cov kev pab cuam rau cov hluas mus rau cov kev pab cuam rau neeg laus. Kev tawm phiaj xwm hloov pauv yog yuav pib thawm pib muaj hnub nyoog li 14 xyoo.
dhs.wi.gov/publications/p00413a.pdf
- Cov ntawv xov xwm All in for Kids (Tag Nrho Rau Me Nyuam): Txoj Kev Pab CLTS dhs.wi.gov/library/collection/AKids24 ❖



KOOM KOM TXAIS TAU PEB COV NTAWV EMAIL

Rau npe kom tau tsab ntawv xov xwm no hauv tshuab hluav taws xob thiab lwm cov ntawv email txog Lub Khoos Kas CLTS.

1. Mus rau dhs.wi.gov/dms/ltc-email-signup.htm.
2. Swb mus rau seem ntawm tshooj Cov Ncauj Lus uas Teev Tseg Txog Kev Thov Rau Children's Long-Term Care (Kev Saib Xyuas Me Nyuam Yaus Mus Ncuia Sij Hawm Ntev).
3. Xaiv CLTS Information for Families and Participants (CLTS Cov Ntaub Ntawv Qhia Paub rau Cov Tsev Neeg thiab Cov Neeg Tuaj Koom Nrog).

Tsis txhob hnob qab qhia rau koj tsev neeg thiab cov phooj ywg hauv lub khoos kas kom sau npe nkag nrog thiab!

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

All in for Kids (Tag Nrho Rau Me Nyuam): Lub Khoos Kas CLTS yog ib tsab ntawv xov xwm uas tau tshaj tawm los ntawm Wisconsin Department of Health Services (Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) rau cov me nyuam yaus thiab tsev neeg hauv Lub Khoos Kas CLTS.

Lub Khoos Kas CLTS siv cov nyiaj ntawm Medicaid txhawb rau pab txhawb cov me nyuam yaus uas muaj kev tsis taus rau qee yam ntawm lub cev vim loj hlob qeeb, lub cev tsis taus, los sis puas hlwb uas nyob rau hauv tsev los sis hauv lub zos. Tej zaum yuav siv nyiaj pab txhawb rau ntau hom kev pab raws li kev ntsuas tus me nyuam thiab tsev neeg cov kev tu ncuia tshwj xeeb thiab cov hom phiaj los sis cov xav ua tau uas paub txog. Xav paub ntxiv, mus xyuas dhs.wi.gov/children/index.htm.

Para leer este boletín en español, visite dhs.wi.gov/library/collection/AKids25.

Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/AKids25.

For other languages (繁體中文, 简体中文, Deutsch, العربية, русский, 한국어, Tiếng Việt, Deutsch, မာလာဝါဝ, Français, Polski, हिंदी, Shqip, Tagalog, Soomaali): 608-266-5508.

